

Statistike iz januara 2002. godine o provedbi imovinskih zakona: PLIP poziva organe vlasti da prestanu davati neodgovorna obećanja

Organizacije koje su uključene u Plan provedbe imovinskih zakona (OHR, OSCE, UNHCR, UNMIBH i CRPC) danas su objavile da je do kraja januara 2002. godine ukupna stopa provedbe imovinskih zakona u BiH porasla na 42%. Organizacije uključene u PLIP konstatuju da statistike provedbe i dalje ukazuju na kontinuiran progres u ovoj oblasti, ali se i dalje u cijeloj Bosni i Hercegovini vrlo često daju neodgovorna obećanja o potpuno nezakonitim odgodama deložacija. Ova obećanja ukazuju na osnovni nedostatak poštivanja ljudskih prava i vladavine prava i već bi trebala biti stvar prošlosti.

Prema statistikama iz januara, u Federaciji je riješeno 51% slučajeva, u RS 32%, a u Brčkom 42%. Drugim riječima, od 130.917 domaćinstava koja su podnijela zahtjeve u Federaciji, u posjed svoje imovine ušlo je 66.552 domaćinstva, a od 115.093 zahtjeva podnesenih u RS, riješeno je 36.901. Od ukupno 252.843 domaćinstva, 106.324 je ušlo u posjed svoje imovine.

Provedba imovinskih zakona je nezaustavljiv proces koji će biti okončan u bliskoj budućnosti. Vlasti trebaju uložiti sve razumne napore kako bi se provedba imovinskih zakona okončala što prije i na što humaniji način. To podrazumijeva striktnu primjenu zakona i obezbjeđenje dovoljnog alternativnog smještaja za sve privremene korisnike koji imaju pravo na to.

Ako se vlasti zaista brinu za dobrobit privremenih korisnika, iskoristiće sav raspoloživi alternativni smještaj umjesto obmanjivanja privremenih korisnika obećanjima koja predstavljaju kršenje zakona.